

Anhang: Sog. ›Protestation‹

al'

- 1 VOr hab ichs narren schiff gedieht
- 2 Mit grosser arbeyt vff gerieht
- 3 Vnd das mit doren also geladen
- 4 Das man sie nit durfft anders baden
- 5 Eyn yeder het sich selbs geriben
- 6 Aber es ist dar by nit bliben
- 7 Vil mancher hat noch sym geduncken
- 8 Noch dem villicht er hatt getruncken
- 9 Nuw rymen wellen dar an hencken
- 10 Die selben soltten wol gedencken

- 11 Das sie vor sassen jn dem schiff al^v
 12 Dar jnn ich sie vnd ander triff
 13 Hetten jr arbeyt wol erspart
 14 Diß schiff mit altem segel fart
 15 Vnd düt glich wie das erst vß fliegen
 16 Loßt sich mit schlechtem wynd benügen
 17 Wor ist / Jch wolt es han gemert
 18 Aber myn arbeyt ist verkert
 19 Vnd ander rymen dryn gemischt
 20 Denen / kunst / art vnd moß gebryst
 21 Myn rymen sint vil abgeschnitten
 22 Den synn verlürt man jn der mitten
 23 Jeder rym hat sich müssen schmucken
 24 Noch dem man jn hatt wellen drucken
 25 Vnd sich die form geschicket hat
 26 Dar vmb manch rym so übel stat
 27 Das es mir jn mym hertzen we
 28 Geton hat tusedt mol / vnd me /
 29 Das ich myn groß mügsam arbeyt
 30 On schuld hab übel angeleyt
 31 Vnd ich sol öfflich sehen an
 32 Das ich nit hab gelon vß gan
 33 Vnd mir nie kam für mund noch kâlen
 34 Aber ich will es gott befâlen
 35 Dann diß schiff fôrt jn synen nammen
 36 Sins diechters darff es sich nit schammen
 37 Glich wie das alt jn allen sachen
 38 Es kan nit yeder narren machen
 39 Er heiß dann wie ich bin genant
 40 Der narr Sebastianus Brant